



DEO OPTIMO MAX.
UNI ET TRINO,
VIRGINI DEIPARÆ, ET S. LUCÆ,

Orthodoxorum Medicorum Patrono. .

QUÆSTIO MEDICA,

CARDINALITIIS DISPUTATIONIBUS
manè discutienda, in Scholis Medicorum, die Jovis,
17. Martii, 1729.

M. FRANCISCO GOUEL,
Doctore Medico, Præside.

An optati cibi Digestio felicior?

I.



RESSIONE vasorum continuâ, sanguinis præterfluentis imperu, quæ fovetur œconomix animalis integritas, deteritur sensim & collabascit. Venturam inde totius corporis ruinam, imminentem licet, morantur & arcent ad tempus, ingesta felicioris digestionis alimenta. Feliciorẽ intellige, non quam alimenta melioris succi, aut potus generosior induxerit. Talem asseras, quæ debitam vasis nutriendis materiam subministrat. His dotibus instructa erit, quæ primam

in ventriculo coctionem passa, nihil vitii secum apportabit, aliis coctionibus nusquam emendandum. Hanc tibi suppeditabunt cibi, quos in ore salivâ uberiori masticando perfusos, ejusdem indolis liquoribus, œsophagum & ventriculum præterlabendo, irroratos, vividius & alacrius oscillantes ventriculi & circumjacentium partium fibræ sibi obsecundantes offenderint. Digestio itaque ut simplicissima est operatio, sic eo potissimum fine à naturâ instituitur, ut ad nutritionem necessaria concilietur alimentorum fluxilitas. Hanc non tam principiorum, quàm integrantium particularum dissolutionem esse arbitreris.

II.

ESSENTIALES alimentorum partes digestionem dissolvendas esse nusquam concipiat naturâ simplicitatis amans. Separari non immutari indiget nutritionis materies : hinc si animantia & vegetabilia exceperis, cætera corporis nutritioni inepta, ut pote vasis aut succis analogis destituta pronunties. Quæ ex cibis attritis elicitur digestionem materies, formam mutat non characterem ; naturæ suæ tenax, hanc retinet nec aliam induit. Digestionis igitur & nutritionis æqua necessitas, mutua opera : mutuam appella, quarum utraque sic à se invicem pendet, ut una in alteram faciliè transeat ; ut enim digestionem paratur nutritionis materies futura, sic nutritionem digestionis facilitas conciliatur. Utraque fluiditatem alimentorum, horumque cum partibus refarciendis proportionem & similitudinem requirit. Vasa nutritionem reparanda, vasorum materiaturas supponunt digestionem dissolutas. Quid autem ad dissolvendum potentius, quàm uberior laticis aquosi copia, si prævia imprimis fuerit dissolvendorum comminutio, magis ac magis eundo perficienda. Salivæ igitur, liquoris œsophagei & gastrici proventum largiorem ne mireris ; non minori indigebat ciborum singulis diebus ingerendorum moles, quorum inde tritura faciliior, accuratior dissolutio.

III.

PRÆCIPUA hæc esse debet assumendi cibi conditio, palato arridere. De salubritate aut insalubritate parum sollicitus sanus homo, qui & bene valet & suæ spontis est, quem nullis idcirco obligatum legibus esse convenit, cibum illum eligat, quem sibi jucundiores, minùs tamen noxium experietur.

Talem Divini Senis adductus consilio, meliori quidem, sed minùs grato anteponat. Hujus præcepti mentem inquiris? hanc tibi revelabit jam allata digestionis doctrina. Quidquid palato sapit, salivam movet uberiores: hujus proventu largiori dum exoptatus cibus perfunditur, faciliorem parat sui ipsius dissolutioni viam. Mollior inde factus. minorem opponit premensibus eum undequaque & terentibus organis obicem. Hæc, si dentes exceperis, oscillantibus continuò fibris constantur, quarum eò vividior & alacrior fuerit motus, quò majori lymphæ copiâ irroratæ, flexilitatis suæ tenaciores futuræ sunt. Huc potissimum facit largior œsophagei & gastrici liquorum provenus; neque enim totus cibus molliendis & perfundendis insumitur, quin potiùs meliori sui parte fibrarum flexibilitati conservandæ natum existimes.

I V.

INTER corpus & animam mutua necessitudo, positis quibusdam illius motibus, certas in animâ cogitationes excitat & vicissim. Inde vera innotescit felicioris ab optato cibo digestionis sperandæ causa. Mentem jucundè afficit rei alicujus exoptatæ præsentia: sanguinis inde velocitas major, copiosior ad organa secretiora affluxus, eorumdem pressio vividior, secretionis ipsius facilitas. Saliva ergo assumpto suaviore cibo uberius ad os deferetur: nusquam suis operibus natura deest; sic, quàm partibus nutriendis necessariam novit ciborum dissolutionem; omni ope molitur. Dissolutionem, inquam, quâ totum omne digestionis artificium contineri suadet partium nutriendarum indoles. Cujusnam sint interrogas? vasa sunt, vasorum proinde similium moleculis reparanda. Digestionem itaque molecularum ejusmodi nutriendis vasis appositarum sejunctionem dicas & separationem; quas ad nutritionem apponit vasorum pressio & succi præterlabentis imperus, easdem ventriculi actione, lymphâ priùs uberius perfusas, in digestionis negotio separari ne dubites. Vasorum oscillantium & ventriculi eandem esse vim ac potentiam evincit similis utriusque textura, quæ ex villis à naturâ contractilibus coaluit. Quid! si ab optato cibo, auctâ sanguinis velocitate, superior evadat ventriculi actio; hinc enim ut saliva, cæterorumque succorum digestionem famulantium secretio copiosior, sic ciborum assumptorum facilius erit comminutio.

NE ciborum quos appetis vires ac dores scrupulosius inquireas. Ut sano varium vitæ genus esse debet, sic in eligendis cibis naturam sequaris ducem: Εἴς τινα negligas interdum, ut illaudabiliori, si palato magis arrideat, indulgeas. Atque ut optima sæpe remedia pauperrimus quisque cœnat, sic ex cibo viliori succum, si non laudabilem, saltem naturæ minus intensum speres: sat laudabilis erit, qui præviâ digestionem eam nactus fuerit indolem, quæ deperditarum partium possit iacturam resarcire; hanc habebit qui copioso latice perfusus, ventriculi actione planè subactus fuerit, & in minimâ divisus. Tot bona ab optato cibo speranda esse confidas: hujus præsentia sanguini stimulos addendo, secretionem promovet, fibrarum oscillationes accelerat. Adeo stupendum animæ in corporis machinam imperium! Saliva ergo copiosior cibos optatos irrorabit: salivæ æmuli ab œsophago & ventriculo stillantes indefinenter lymphatici succi, hos intimiùs pervadent; ventriculi fibrarum oscillatio vividior erit & alacrior, ingestorum ulterior attenuatio, facilius distributio; totidem felicioris digestionis argumenta.

Ergo felicius optati cibi Digestio.

Proponebat Parisiis, ANTONIUS-NICOLAUS GUENAULT
 Parisinus, Baccalaureus Medicus, A. R. S. H. 1729.
 à sextâ ad meridiem.